

700 mahasiswa UMP berbuka bersama KSU KPT'

KUANTAN 31 Julai - Seramai 700 mahasiswa Universiti Malaysia Pahang (UMP) menyertai Majlis Iftar dan Sahur bersama Ketua Setiausaha Kementerian Pengajian Tinggi (KPT), Datuk Ab. Rahim Md. Noor baru-baru ini.

Majlis tersebut turut dimeriahan oleh 180 peserta program keusahawanan *Women in Social Enterprise* (WISE) yang hadir bersama keluarga angkat masing-masing.

Menurut Ab. Rahim, program WISE yang diperkenalkan Kementerian melibatkan penyertaan pelajar institusi pengajian tinggi (IPT) yang dipadankan dengan sahabat Amanah Ikhtiar Malaysia (AIM) untuk dijadikan keluarga angkat bagi memberi latihan dalam meningkatkan kemahiran perniagaan mereka.

Kata beliau, program itu bakal melahirkan pelajar IPT yang berdaya saing, berkepimpinan dan berkemahiran selain dapat meningkatkan tahap sosioekonomi masyarakat.

"Dijangkakan seramai 800 pelajar IPT, 400 usahawan sahabat AIM, 100 tenaga pengajar dan 20 pegawai AIM terlibat dalam menjayakan program WISE yang diperkenalkan sejak April lalu.

"Pelajar akan diberi penilaian dan markah oleh penyelia sebagai



AB. Rahim Md. Noor (dua, kiri) dan Daing Nasir (kiri) berbual bersama peserta dan keluarga angkat yang menjayakan program keusahawanan WISE pada Majlis Iftar dan Sahur bersama Ab. Rahim di Masjid UMP, Gambang, Kuantan, baru-baru ini.

aktiviti kokurikulum di IPT masing-masing," katanya ketika ditemui pada majlis berkenaan.

Pada majlis itu, Ab. Rahim turut menyampaikan sumbangan elaun RM200 setiap seorang kepada 33 mahasiswa UMP dan 22 penuntut Politeknik Sultan Ahmad Shah (Po-

lilas) beserta keluarga angkat masing-masing.

UMP turut meraikan peserta Sinar Wilayah Ekonomi Pantai Timur (ECER) dan Mahkota ECER Kuala Pahang yang terdiri daripada pelajar Sekolah Kebangsaan (SK) Runchang, SK Lepar, Sekolah Menengah Ke-

bangsaan (SMK) Lepar dan SMK Indera Shahbandar, Pekan yang menyertai Seminar Kecemerlangan Peperiksaan selama dua hari bagi menghadapi peperiksaan tidak lama lagi.

Turut hadir, Naib Canselor UMP, Profesor Datuk Dr. Daing Nasir Ibrahim.